



Broj: 05-1-02-4-1077/12
Sarajevo, 31.07.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	02-08-2012		
Organizaciona jedinica	Klasifikacioni broj	Redni broj	Broj priloga
01-	50-1-15-30	12	

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
PREDSTAVNIČKI/ZASTUPNIČKI DOM

n/r predsjedatelja, gospodina Milorada Živkovića

PREDMET: Odgovor na zastupničko pitanje
VEZA: Vaš akt broj: 01/a-50-1-15-30/12 od 25.06.2012. godine

Poštovani,

U vezi poslaničkog pitanja poslanika **Bože Ljubića, zastupnika u Zastupničkom domu Parlamentarne skupštine Bosne i Hercegovine** postavljenog na 30. sjednici Zastupničkog doma Parlamentarne skupštine Bosne i Hercegovine održanoj 21.06.2012. godine, o tome „*hoće li i šta poduzeti Centralna izborna komisija Bosne i Hercegovine da otkloni diskriminaciju prema nekim političkim strankama i građanima koje te stranke predstavljaju, učinjenu netačnim tumačenjem i primjenom Izbornog zakona BiH u procesu prijavljivanja stranaka za lokalne izbore*“ u skladu sa članom 155. stav 3. Poslovnika Zastupničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07, 87/09 i 30/12), dajemo slijedeći:

ODGOVOR

Centralna izborna komisija Bosne i Hercegovine, u skladu odredbe člana 2.9 tačka 2. i 2a. Izbornog zakona Bosne i Hercegovine (“Službeni glasnik BiH”, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10), ovlaštena je da donosi administrativne propise za provedbu ovog zakona kao i odluku o održavanju neposrednih izbora u Bosni i Hercegovini, propisanih ovim zakonom.

S tim u vezi, Centralna izborna komisija Bosne i Hercegovine u postupku pripreme Lokalnih izbora 2012. godine, a u pogledu primjene člana 4.4 i 4.5 Izbornog zakona BiH, zauzela je stav da politički subjekti, da bi se ovjerili za učešće na izborima nisu obavezni prikupljati potpise podrške u opštinama u kojima imaju odbornika/vijećnika odnosno načelnika i ukoliko izabrano lice, na propisanom obrascu potpiše izjavu da je osvojilo mandat kao član političke stranke kao i da je još uvijek član te političke stranke. U ovom slučaju politička stranka dužna je priložiti i potvrdni obrazac kojim potvrđuje da je izabrano lice, u vrijeme izbora bilo član te političke stranke te da je i sada član iste političke stranke.

Stav Centralne izborne komisije BiH u pogledu primjene citirane zakonske norme, u konkretnoj situaciji predstavlja opštu normu jednaku za sve učesnike u postupku definisanom poglavljem 4. Izbornog zakona BiH (ovjera i kandidovanje za izbore) što isključuje svaki oblik diskriminacije usmjeren prema bilo kojem (pojedinačnom) političkom subjektu.

Ustanovljavanje novog roka za prijavu koalicija, mimo zvanično utvrđenog i objavljenog Vremenskim planom aktivnosti provođenja Lokalnih izbora 2012. godine, nije moguće obzirom da su rokovi za sve izborne aktivnosti precizno propisani Poglavljem 4. Izbornog zakona BiH, pri čemu završetak jedne izborne radnje i istek utvrđenog roka za poduzimanje određenih aktivnosti, podrazumijeva početak roka drugih radnji i poduzimanja aktivnosti u funkciji pripreme izbora, u skladu sa Izbornim zakonom BiH. Tako je članom 4.12 stav (2) Izbornog zakona BiH propisano da koalicija podnosi prijavu za ovjeru najkasnije 110 dana prije dana izbora, i ako su ispunjeni uslovi utvrđeni Izbornim zakonom BiH, Centralna izborna komisija BiH ovjerava prijavu koalicije za učešće na izborima najkasnije u roku od sedam dana od dana prijema prijave. Rok za prijavu koalicija i listi nezavisnih kandidata, utvrđen Vremenskim planom aktivnosti bio je u periodu 10.06 do 19.06.2012. godine, dok je rok za konačnu ovjeru koalicija i listi nezavisnih kandidata istekao 26.06.2012. godine.

S poštovanjem,

Dostavljeno:

- ① Naslovu
2. a/a

Predsjednik

Branko Petrić

